

Kursus keselamatan air online



DR Tengku Fadilah (kanan) menunjukkan peralatan keselamatan kepada Kamalanathan (dua dari kanan).

Kejadian lemas yang berlaku di depan mata ketika berada di sebuah hotel di Langkawi menjadi idea kepada pensyarah Universiti Putra Malaysia (UPM) membangunkan kursus dalam talian bersijil keselamatan air.

Kursus dalam talian 24 jam diakui yang pertama di dunia boleh diakses dengan mendaftar di keselamatanair.com.my hasil ciptaan Prof Madya Dr Tengku Fadilah Tengku Kamalden.

Katanya, dia mula membangunkan kursus itu sejak Julai tahun lalu sebelum siap Ogos tahun ini dan sehingga kini 27 orang berminat mendaftar kursus itu dengan yuran

RM80 seorang.

“Ini inisiatif pembelajaran interaktif dan sosial untuk keselamatan ketika dalam air,” katanya selepas majlis menandatangani perjanjian pelesenan kursus itu antara UPM Innovations Sdn Bhd dan OpenLearning Global (M) Sdn Bhd di UPM, semalam.

Hadir sama, Timbalan Menteri Pendidikan 1, Datuk P Kamalanathan, Naib Canselor UPM, Prof Datin Paduka Dr Aini Ideris, Ketua Pegawai Eksekutif OpenLearning Global (M) Sdn Bhd, Adam Brimo dan Pengerusi UPM Innovations Sdn Bhd, Prof Tan Sri Dr Nik Mustapha R Abdullah.